

თეთრიწყაროს მუნიციპალიტეტი

გამარტივებული ელექტრონული ტენდერი

სოფლის მხარდაჭერის პროგრამის
ფარგლებში სოფელ მუხათში ე.წ.
ფაბრიკის დასახლებაში არსებული
სარიტუალო დარბაზის
მშენებლობისათვის
სამშენებლო მასალების
შესყიდვის

სატენდერო დოკუმენტაცია

შესყიდვის სავარაუდო ღირებულებაა 6607 ლარი,
დღგ-ს გარეშე

სარჩევი

1. ინფორმაცია ტენდერში მონაწილეთათვის;
2. ტექნიკური დოკუმენტაცია;
3. ტექნიკური დავალება;
4. რეკვიზიტები, დანართი N1;
5. ფასების ცხრილი, დანართი N2;
6. სახელმწიფო შესყიდვის შესახებ ხელშეკრულების პროექტი.

ინფორმაცია ტენდერში მონაწილეობის

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის შესახებ“ შესაბამისად. (<http://procurement.gov.ge/>)

პრედენდენტს არა აქვს უფლება წარმოადგინოს ალტერნატიული წინადადება.

2. ტექნიკური დოკუმენტაცია

2.1 პრეტენდენტმა უნდა წარმოადგინოს: რეკვიზიტები, დანართი N1 -ის შესაბამისად, რომელიც ხელმოწერილი უნდა იყოს საწარმოს ხელმძღვანელის ან/და უფლებამოსილი პირის მიერ და დამოწმებული საწარმოს ბეჭდით (ბეჭდის არსებობის შემთხვევაში).

2.2 პრეტენდენტმა უნდა წარმოადგინოს ინფორმაცია მისი დღგ-ს გადამხდელად ან არ გადამხდელად რეგისტრაციის შესახებ. რომელიც ხელმოწერილი უნდა იყოს საწარმოს ხელმძღვანელის ან/და უფლებამოსილი პირის მიერ და დამოწმებული უნდა იქნეს საწარმოს ბეჭდით (ბეჭდის არსებობის შემთხვევაში).

2.3. პრეტენდენტმა უნდა წარმოადგინოს ფასების ცხრილი დანართი N2-ის შესაბამისად, რომელიც ხელმოწერილი უნდა იყოს საწარმოს ხელმძღვანელის ან/და უფლებამოსილი პირის მიერ და დამოწმებული საწარმოს ბეჭდით (ბეჭდის არსებობის შემთხვევაში).

2.4. 2.1, 2.2 და 2.3. პუნქტებით გათვალისწინებული დანართები უნდა აიტვირთოს ელექტრონულ სისტემაში.

2.5. ფასის ცვლილების შემთხვევაში პრეტენდენტმა უნდა წარმოადგინოს მის მიერ ელექტრონულ სისტემაში საბოლოოდ დაფიქსირებული სატენდერო წინადადების ფასის შესაბამისი ცხრილი დანართი N2-ის მიხედვით, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების მე-12 მუხლის მე-17 პუნქტის შესაბამისად.

2.6. იმ შემთხვევაში, თუ ტენდერში ელექტრონული ვაჭრობის შედეგად ყველაზე დაბალი ფასის მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ს სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების მე-11 მუხლის მე-2¹ პუნქტის შესაბამისად პრეტენდენტი ვალდებული იქნება დაასაბუთოს ფასწარმოქმნის ადეკვატურობა გაფორმებული ხელშეკრულებით ან/და ანგარიშგაქტურით ან/და სასაქონლო ზედნადებით ან/და ინვოისით ან/და ექსპერტიზის დასკვნით, რომელიც ადასტურებს პრეტენდენტის მიერ ელექტრონული ვაჭრობის შედეგად საბოლოოდ დაფიქსირებულ ფასად ტენდერით გათვალისწინებული საქონლის სრულად მიწოდების შესაძლებლობას. თუ ზემოთხსენებული დოკუმენტ(ებ)ი წარმოდგენილი იქნება უცხო ენაზე მას თან უნდა დაერთოს ნოტარიულად დამოწმებული თარგმანი ქართულ ენაზე.

2.7. ტექნიკური და საკვალიფიკაციო დოკუმენტაციის წარდგენა შესაძლებელია განხორციელდეს როგორც ქართულ, ისე უცხოურ ენებზე. დოკუმენტების უცხოურ ენაზე წარმოდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული (ნოტარიულად დამტკიცებული) თარგმანები ქართულ ენაზე. დოკუმენტაციასთან დაკავშირებული სადავო საკითხების გადაწყვეტისას უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს გადაწყვეტს სატენდერო კომისია.

3. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო, ახალი საქონელი.

3.1. საქონლის მიღების დროს მიმწოდებლის წარმომადგენლის თანდასწრებით უნდა განხორციელდეს მიწოდებული საქონლის იდენტიურობის დადგენა წაყენებულ მოთხოვნებთან, რომელთა დაუკმაყოფილებლობის შემთხვევაში შემსყიდველი უარს აცხადებს ასეთი საქონლის მიღებაზე, რაზედაც ფორმდება შესაბამისი აქტი და მიმწოდებელი ვალდებულია 3 (სამი) სამუშაო დღის ვადაში მიაწოდოს შემსყიდველს ახალი, ხარისხიანი საქონელი, რომელიც უნდა აკმაყოფილებდეს ზემოხსენებულ მოთხოვნებს.

4. საქონლის მიწოდების ვადები და მისამართი:

4.1 საქონლის მიწოდება უნდა განხორციელდეს მიმწოდებლის ხარჯით ხელშეკრულების გაფორმებიდან 15 (თხუთმეტი) კალენდარული დღის ვადაში, მისამართზე: კოდის ადმინისტრაციული ერთეული, სოფელ მუხათში ე.წ. ფაბრიკის დასახლება.

5. ანგარიშსწორების პირობები:

5.1. ანგარიშსწორება განხორციელდება ლარებში.

5.2. უნაღდო ანგარიშსწორება განხორციელდება საქონლის მიწოდების შემდეგ. გაფორმებული მიღება-ჩაბარების აქტისა და შესაბამისი საგადასახადო დოკუმენტაციის წარმოდგენის საფუძველზე, მიღება-ჩაბარების აქტის გაფორმებიდან 10 სამუშაო დღის განმავლობაში.

5.3. წინასწარი ანგარიშსწორება არ გამოიყენება.

დაფინანსების წყარო - 2016 წლის სახელმწიფო ბიუჯეტი.(საქართველოს მთავრობის 2016 წლის 04 თებერვლის N54 დადგენილება და 19 თებერვლის N265 განკარგულება).

1.რეკვიზიტები

პრეტენდენტის იურიდიული ფორმა და დასახელება:
ხელმძღვანელის სახელიდა გვარი:
პრეტენდენტის იურიდიული ან/და ფაქტიური მისამართი:
ელექტრონული მისამართი:
პრეტენდენტის ტელეფონის ნომერი:
საიდენტიფიკაციო კოდი:
მომსახურე ბანკის დასახელება:
ანგარიშსწორების ანგარიშის №:
მომსახურე ბანკის კოდი:

საწარმოს ხელმძღვანელის ხელმოწერა -----ბ.ა.

ინფორმაცია

დღგ-ს გადამხდელად ან არ გადამხდელად რეგისტრაციის შესახებ

შპს/ამხანაგობა/ი.მ. ----- 2016 წლის ----- მდგომარეობით, რეგისტრირებულია დღგ-ს გადამხდელად , ან არ არის რეგისტრირებული დღგ-ს გადამხდელად.

ხელმოწერა ----- ბ.ა.

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის „კითხვა-პასუხი“-ს მოდულის მეშვეობით ან/და მუნიციპალიტეტის გამგეობაში: ინფრასტრუქტურის განვითარების, მშენებლობისა და არქიტექტურის სამსახურის უფროსი - სიმონ გულედანი ტელ: (577 95 50 77) და შესყიდვების განყოფილების უფროსი - ნიკოლოზ ტატიშვილი ტელ: (574 09 74 90).

ხელშეკრულების პირობების საბოლოო ვარიანტი შესაძლოა დაზუსტდეს ან დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

**ხელშეკრულება სახელმწიფო
შესყიდვის შესახებ N**

ქ. თეთრიწყარო

----- 2016 წელი

ერთის მხრივ **თეთრიწყაროს მუნიციპალიტეტი** (შემდეგში "შემსყიდველი") წარმოდგენილი მისი გამგებლის პირველი მოადგილეს ერეკლე კუხიანიძეს სახით და მეორეს მხრივ ----- (შემდგომში "მიმწოდებელი"), სახელმწიფო შესყიდვების კანონმდებლობისა და მიმწოდებლის სატენდერო წინადადების საფუძველზე, გამარტივებული ელექტრონული ტენდერის (SPA-----) ჩატარების შედეგად და საქართველოს მთავრობის 2016 წლის 04 თებერვლის N54 დადგენილების შესაბამისად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. "ხელშეკრულება სახელმწიფო შესყიდვის შესახებ" (შემდგომში - "ხელშეკრულება") - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია სამ თანაბარი იურიდიული ძალის მქონე ეგზემპლარად ქართულ ენაზე. აქედან ერთი ეგზემპლარი გადაეცემა მიმწოდებელს, ორი-შემსყიდველს.
- 1.2. "ხელშეკრულების ღირებულება" - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. "დღე", "კვირა", "თვე" - კალენდარული დღე, კვირა, თვე.
- 1.4. "შემსყიდველი" - ორგანიზაცია რომელიც ახორციელებს შესყიდვას.
- 1.5. "მიმწოდებელი" - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. "საქონელი" - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. "ტექნიკური დავალება" - NSPA ----- გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც დაერთება ხელშეკრულებას როგორც მისი განუყოფელი ნაწილი.

2. ხელშეკრულების საგანი

- 2.1 ხელშეკრულების საგანს წარმოადგენს **2016 წლის სოფლის მხარდაჭერის პროგრამის ფარგლებში სოფელ მუხათში ე.წ. ფაბრიკის დასახლებაში არსებული სარიტუალო დარბაზის მშენებლობისათვის ფოლადის კვადრატული მილების, არმატურისა და ფურცლოვანი ფოლადის ჩასატანებელი დეტალების /44100000-CPV/ შესყიდვა (საქართველოს მთავრობის 2016 წლის 04 თებერვლის N54 დადგენილება და საქართველოს მთავრობის 2016 წლის 19 თებერვლის N265 განკარგულება).**
- 2.2 ხელშეკრულებით გათვალისწინებული საქონლის აღწერა მოცემულია ტექნიკურ დავალებაში.

3. ხელშეკრულების ღირებულება

- 3.1. ხელშეკრულების ღირებულება შეადგენს ----- (-----) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. დაფინანსების წყარო - 2016 წლის სახელმწიფო ბიუჯეტი.

4. სტანდარტები

4.1 ხელშეკრულების ფარგლებში მიწოდებული საქონელი უნდა შეესაბამებოდეს ტექნიკური დავალებით მითითებულ მოთხოვნებს.

5. ანგარიშსწორების ფორმა და ვადები

5.1 უნაღდო ანგარიშსწორება განხორციელდება საქონლის მიწოდების შემდეგ, გაფორმებული მიღება-ჩაბარების აქტისა და შესაბამისი საგადასახადო დოკუმენტაციის წარმოდგენის საფუძველზე, მიღება-ჩაბარების აქტის გაფორმებიდან 10 სამუშაო დღის განმავლობაში.

5.2 ანგარიშსწორება განხორციელდება ლარებში.

5.3 წინასწარი ანგარიშსწორება არ გამოიყენება.

6. მიღება-ჩაბარების წესი

6.1. მიმწოდებელი ვალდებულია, მიღება-ჩაბარების აქტის საფუძველზე გადასცეს შემსყიდველს ტექნიკური დავალების შესაბამისი საქონელი, რომელსაც ხელს აწერს ორივე მხარე.

6.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ----- (დაინიშნება შემსყიდველი ორგანიზაციის მიერ შესაბამისი სამსახურის წარდგენის საფუძველზე).

7. საქონლის მიწოდების პირობები და ვადა

7.1 მიმწოდებელმა საქონლის მიწოდება უნდა განხორციელოს საკუთარი ხარჯით ხელშეკრულების გაფორმებიდან 15 კალენდარული დღის ვადაში, მისამართზე: კოდის ადმინისტრაციული ერთეული, სოფელ მუხათში, ე.წ ფაბრიკის დასახლება.

7.2 საქონლის მიღების დროს მიმწოდებლის წარმომადგენლის თანდასწრებით უნდა განხორციელდეს მიწოდებული საქონლის იდენტურობის დადგენა წაყენებულ მოთხოვნებთან, რომელთა დაუკმაყოფილებლობის ან/და ქარხნული წუნის არსებობის შემთხვევაში შემსყიდველი უარს აცხადებს ასეთი საქონლის მიღებაზე რაზედაც მხარეებს შორის ფორმდება შესაბამისი აქტი, რომელიც ხელმოწერილი იქნება ორივე მხარის მიერ) და მიმწოდებელი ვალდებულია 3 (სამი) სამუშაო დღის ვადაში მიაწოდოს შემსყიდველს ახალი, ხარისხიანი საქონელი, რომელიც უნდა აკმაყოფილებდეს ზემოხსენებულ მოთხოვნებს.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულების ნაკისრი ვალდებულებების ინსპექტირებას განახორციელებს -----

8.2 ინსპექტირება გულისხმობს მიმწოდებლის მიერ ხელშეკრულების პირობების შესრულების კონტროლს.

8.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1. თუ მიმწოდებელი გადააცილებს 7.1 პუნქტით განსაზღვრულ ხელშეკრულებით გათვალისწინებულ შესყიდვის ობიექტის მიწოდების ვადას, დაეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,02%-ის ოდენობით;

9.1.1. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0,2%-ს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ჯარიმის გადახდა ან/და დაუკავოს გადასახდელი თანხიდან.

9.2. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.3. ხელშეკრულების პირობების შეუსრულებლობის ან მათი არასათანადოდ შესრულებისას შემსყიდველი იხდის ჯარიმას ჩასარიცხი თანხის 0,02%-ის ოდენობით ყოველ ვადაგადაცილებულ დღეზე.

9.4. ხელშეკრულებით ნაკისრი ვალდებულებების არაჯეროვნად შესრულების შემთხვევაში, მიმწოდებელს დაეკისრება პირგასამტეხლო შესასრულებელი ვალდებულების ღირებულების 10%-ის ოდენობით, რომლის შემთხვევაშიც შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ჯარიმის გადახდა ან/და დაუკავოს გადასახდელი თანხიდან.

9.5. ხელშეკრულებით ნაკისრი ვალდებულებების შეუსრულებლობის შემთხვევაში, მიმწოდებელს დაეკისრება პირგასამტეხლო სახელშეკრულებო ღირებულების 20%-ის ოდენობით, რომლის შემთხვევაშიც შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ჯარიმის გადახდა ან/და დაუკავოს გადასახდელი თანხიდან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად და დაერთვება ხელშეკრულებას.

10.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში 10.2 ქვეპუნქტის მოთხოვნების გათვალისწინებით, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.5. ხელშეკრულებაში ცვლილების შეტანის აუცილებლობისას ინიციატორი მხარე ვალდებულია არანაკლებ 3 (სამი) დღით ადრე მიმართოს მეორე მხარეს აღნიშნული ცვლილების აუცილებლობის დასაბუთებული წერილობითი თხოვნით. წინააღმდეგ შემთხვევაში მხარეს უფლება აქვს უარი თქვას ცვლილების განხორციელებაზე.

10.6. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.7. მხარე ვალდებულია არანაკლებ 2 (ორი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.6. პუნქტით გათვალისწინებული გადაწყვეტილების მიღების განზრახვის თაობაზე.

10.8. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

11. ფორს - მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან ვალდებულებების შეუსრულებლობა არის ფორს-მაჟორული გარემოებების შედეგი.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ ან მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველსა და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს იგი თავისი შეხედულებისამებრ მიზანშეწონილობისა და შესაძლებლობების და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11.4. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

12. დავები და მათი გადაწყვეტის წესი

12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. შეტყობინება

13.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

13.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

14. გადასახადები და დაბეგვრა

14.1. მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16. ხელშეკრულების მოქმედების ვადა

16.1. ხელშეკრულება ძალაშია 2016 წლის -----დან 2016 წლის-----მდე.

17. რეკვიზიტები

შემსყიდველი	მიმწოდებელი



საქართველოს მთავრობის დადგენილება

N 54 2016 წლის 4 თებერვალი ქ. თბილისი

სოფლის მხარდაჭერის პროგრამის დამტკიცების შესახებ

მუხლი 1. „საქართველოს 2016 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-3 პუნქტის შესაბამისად, დამტკიცდეს თანდართული სოფლის მხარდაჭერის პროგრამა.

მუხლი 2. დადგენილება ამოქმედდეს გამოქვეყნებისთანავე.

პრემიერ-მინისტრი

გიორგი კვირიკაშვილი

დამტკიცებულია
 საქართველოს მთავრობის
 2016 წლის 4 თებერვლის
 № 54 დადგენილებით

სოფლის მხარდაჭერის პროგრამა

მუხლი 1. სოფლის მხარდაჭერის პროგრამის დაფინანსების წყარო

1. სოფლის მხარდაჭერის პროგრამის (შემდგომში - პროგრამა) დაფინანსების წყაროა, „საქართველოს 2016 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-3 პუნქტის შესაბამისად, „სოფლის მხარდაჭერის პროგრამისათვის“ გათვალისწინებული ასიგნებები.

2. პროგრამის განსახორციელებლად, საქართველოს 2016 წლის სახელმწიფო ბიუჯეტში გათვალისწინებულია 50 000 000 (ორმოცდაათი მილიონი) ლარი.

3. შესაძლებელია, პროგრამის ფარგლებში განსახორციელებელი პროექტების თანადაფინანსება საერთაშორისო ან/და დონორი ორგანიზაციების ან/და მუნიციპალიტეტის ბიუჯეტის, ასევე საქართველოს კანონმდებლობით ნებადართული სხვა სახსრებით.

მუხლი 2. პროგრამით გათვალისწინებული თანხის გამოყოფის პროცედურა და პრინციპები

1. საქართველოს რეგიონული განვითარებისა და ინფრასტრუქტურის სამინისტრო (შემდგომში - სამინისტრო), მოსახლეობის რაოდენობის თაობაზე სსიპ - საქართველოს სტატისტიკის ეროვნული სამსახურიდან მიღებული ინფორმაციის საფუძველზე (გარდა მუნიციპალიტეტების ადმინისტრაციული

ცენტრების მოსახლეობისა), ახორციელებს თითოეული მუნიციპალიტეტისათვის გამოსაყოფი თანხის გაანგარიშებას.

2. სამინისტრო ამ მუხლის პირველი პუნქტით გათვალისწინებული თანხის გაანგარიშებას ახდენს შემდეგი პრინციპის დაცვით:

- ა) ერთიდან 200 სულის ჩათვლით დასახლებისათვის - 4 000 ლარი;
- ბ) 201-დან 400 სულის ჩათვლით დასახლებისათვის - 5 000 ლარი;
- გ) 401-დან 1 000 სულის ჩათვლით დასახლებისათვის - 8 000 ლარი;
- დ) 1 000-ზე მეტსულიანი დასახლებისათვის - 12 000 ლარი.

3. სამინისტრო, ამ მუხლის მე-2 პუნქტის საფუძველზე თანხის გაანგარიშების შემდეგ, ამ პროგრამის პირველი მუხლის მე-2 პუნქტით გათვალისწინებული თანხის ნაშთს ანაწილებს მუნიციპალიტეტებზე, მუნიციპალიტეტების მოსახლეობის რაოდენობის (მუნიციპალიტეტების ადმინისტრაციული ცენტრების მოსახლეობის რაოდენობის გამოკლებით) პროპორციულად.

4. სამინისტრო, ამ მუხლის მე-2 და მე-3 პუნქტების საფუძველზე, მუნიციპალიტეტისათვის გამოსაყოფი თანხის გაანგარიშების შემდეგ ამზადებს შესაბამის ინფორმაციას, რომელშიც აისახება მუნიციპალიტეტების მიხედვით გამოსაყოფი თანხის რაოდენობა და უგზავნის საქართველოს ფინანსთა სამინისტროს.

5. საქართველოს ფინანსთა სამინისტრო, ამ მუხლის მე-4 პუნქტით გათვალისწინებული ინფორმაციის საფუძველზე, ამზადებს საქართველოს მთავრობის განკარგულების პროექტს და განსახილველად წარუდგენს საქართველოს მთავრობას.

6. საქართველოს მთავრობის მიერ განკარგულების მიღების შემთხვევაში, მუნიციპალიტეტის საკრებულო, მუნიციპალიტეტის გამგებლის წარდგინებით, დასახლებების (გარდა მუნიციპალიტეტის ადმინისტრაციული ცენტრისა) მიხედვით მოსახლეობის რაოდენობის

გათვალისწინებით, ანაწილებს შესაბამისი მუნიციპალიტეტისათვის გამოყოფილ თანხას.

7. „საქართველოს 2016 წლის სახელმწიფო ბიუჯეტის შესახებ“ საქართველოს კანონის მე-18 მუხლის მე-5 პუნქტის შესაბამისად, საქართველოს რეგიონებში განსახორციელებელი პროექტების ფონდის ფარგლებში „სოფლის მხარდაჭერის პროგრამისათვის“ გათვალისწინებული ასიგნებებიდან მუნიციპალიტეტებისათვის გამოყოფილი თანხა ან მისი ნაწილი, შესაბამისი მუნიციპალიტეტის საკრებულოს გადაწყვეტილების არსებობის შემთხვევაში, შესაძლებელია კონკრეტული სოფლის ნაცვლად გამოყენებულ იქნეს მუნიციპალიტეტის ტერიტორიაზე ინფრასტრუქტურული პროექტების დასაფინანსებლად.

8. „საქართველოს 2016 წლის სახელმწიფო ბიუჯეტის შესახებ“ საქართველოს კანონით გათვალისწინებული „სოფლის მხარდაჭერის პროგრამის“ ფარგლებში მიღებული თანხები მუნიციპალიტეტს შეუძლია გამოიყენოს „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის №23 დადგენილებით დამტკიცებული „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების“ 3¹ მუხლის მიზნებისათვის, რის შესახებაც გადაწყვეტილებას იღებს მუნიციპალიტეტის საკრებულო.

9. მუნიციპალიტეტის საკრებულოს მიერ გამოყოფილი თანხის ოდენობის თაობაზე მოსახლეობის ინფორმირებას, მუნიციპალიტეტის ადმინისტრაციულ ერთეულში გამგებლის წარმომადგენლის (შემდგომში -

წარმომადგენელი) ან სხვა უფლებამოსილი პირის მეშვეობით, ახორციელებს მუნიციპალიტეტის გამგებელი.

10. კონკრეტულ დასახლებასთან მიმართებაში, თანხის ხარჯვის მიზნობრიობა დგინდება ამ პროგრამის მე-3 მუხლით განსაზღვრული მოთხოვნების შესაბამისად, მხოლოდ მოსახლეობასთან წინასწარი კონსულტაციის შემდეგ, ხოლო ამ მუხლის მე-7 პუნქტით გათვალისწინებულ შემთხვევაში - ამავე პუნქტით დადგენილი მოთხოვნის შესაბამისად.

11. ამ მუხლის მე-6 პუნქტის საფუძველზე, დასახლებისათვის გამოყოფილი თანხის ხარჯვის მიზნობრიობა დგინდება მოსახლეობასთან შეხვედრის გამართვით ან საქართველოს ორგანული კანონის „ადგილობრივი თვითმმართველობის კოდექსის“ XI თავით განსაზღვრული დასახლების საერთო კრების ჩატარებით და აისახება მოსახლეობასთან შეხვედრის/დასახლების საერთო კრების ოქმში.

12. მოსახლეობასთან შეხვედრის გამართვას ორგანიზებას უწევს წარმომადგენელი ან სხვა უფლებამოსილი პირი. მოსახლეობასთან შეხვედრაზე გადაწყვეტილება, დასახლებისათვის გამოყოფილი თანხის ოდენობის გათვალისწინებით, მიიღება მოსახლეობასთან შეხვედრაში მონაწილეთა უმრავლესობით.

13. დასახლების საერთო კრებაზე გადაწყვეტილება მიიღება საქართველოს ორგანული კანონით „ადგილობრივი თვითმმართველობის კოდექსით“ დადგენილი წესის შესაბამისად.

14. მოსახლეობასთან შეხვედრის/დასახლების საერთო კრების ოქმს წარმომადგენელი ან სხვა უფლებამოსილი პირი წარუდგენს შესაბამისი მუნიციპალიტეტის გამგებელს.

15. მუნიციპალიტეტის გამგებელი ამზადებს ინფორმაციას დასახლებების მიხედვით შესაბამისი პროექტების დასახელებებისა და თითოეულ პროექტზე საორიენტაციო თანხის შესახებ, რომელსაც უთანხმებს სამინისტროს.

16. საჭიროების შემთხვევაში, მუნიციპალიტეტის წინადადებით ამ მუხლის მე-15 პუნქტით გათვალისწინებულ შეთანხმებულ ინფორმაციაში ცვლილება ხორციელდება სამინისტროს თანხმობით, ამ პროგრამით განსაზღვრული წესის დაცვით.

17. ამ მუხლის მე-7 პუნქტით გათვალისწინებულ შემთხვევაში, პროექტი შეთანხმებულ უნდა იქნეს ამ მუხლის მე-15 და მე-16 პუნქტების შესაბამისად, ამ პროგრამით განსაზღვრული წესის დაცვით.

18. „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის №23 დადგენილებით დამტკიცებული „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების“³¹ მუხლით განსაზღვრულ შემთხვევაში, მუნიციპალიტეტი უთანხმებს სამინისტროს პროგრამის ფარგლებში მიღებული თანხებიდან იმ თანხების ოდენობას, რომლებიც გამოყენებულ უნდა იქნეს ამავე მუხლით გათვალისწინებული თანადაფინანსების მიზნებისათვის.

მუხლი 3. პროგრამით გამოყოფილი თანხის მიზნობრიობა

1. პროგრამით გამოყოფილი თანხა უნდა მოხმარდეს ადგილობრივი მნიშვნელობის ინფრასტრუქტურული ობიექტების მშენებლობას, რეაბილიტაციას ან/და კეთილმოწყობას, საერთო სარგებლობის შენობების აღჭურვას, ან/და გრძელვადიანი სარგებლობის ტექნიკის შესყიდვა-აღჭურვას.

2. ღონისძიება, რომელიც აკმაყოფილებს ამ მუხლის პირველი პუნქტით განსაზღვრულ მოთხოვნას, აგრეთვე მიზანშეწონილია, აკმაყოფილებდეს მინიმუმ ერთ-ერთ შემდეგ კრიტერიუმს:

ა) განსახორციელებელი პროგრამ(ებ)ის დადებითი სოციალურ-ეკონომიკური ეფექტი უნდა აისახებოდეს დასახლების მოსახლეობის უმრავლესობაზე;

ბ) პროგრამის ფარგლებში შესყიდული სამუშაო, საქონელი ან/და მომსახურება მიმართული უნდა იყოს დასახლების მოსახლეობის უმრავლესობის მატერიალური, ყოფითი ან/და სოციალურ-ეკონომიკური მდგომარეობის გაუმჯობესებისაკენ;

გ) სამუშაოთა შესასრულებლად მაქსიმალურად უნდა დასაქმდეს შესაბამისი დასახლების (ამ მუხლის მე-3 პუნქტით გათვალისწინებულ შემთხვევაში - დასახლებები) მოსახლეობა.

3. საერთო ინტერესების გათვალისწინებით, დასაშვებია რამდენიმე დასახლებისათვის გამოყოფილი თანხის გაერთიანება ამ დასახლებების საერთო პრობლემის გადასაწყვეტად.

მუხლი 4. პროგრამით გათვალისწინებული თანხის ათვისების პროცედურა

1. პროგრამით გათვალისწინებული თანხის გადარიცხვა შესაბამისი მუნიციპალიტეტის ბიუჯეტში ხორციელდება საქართველოს ფინანსთა სამინისტროს მიერ, საქართველოს მთავრობის განკარგულების საფუძველზე.

2. ამ მუხლის პირველი პუნქტით გათვალისწინებული თანხის მიზნობრივად და ეფექტიანად გამოყენებაზე პასუხისმგებელია შესაბამისი მუნიციპალიტეტი.

3. 2012-2015 წლებში, შესაბამისი წლის სოფლის მხარდაჭერის პროგრამის ფარგლებში, მუნიციპალიტეტების ბიუჯეტებში დარჩენილი თანხა შესაძლებელია გამოყენებულ იქნეს ამ პროგრამის მე-3 მუხლის

პირველი პუნქტით განსაზღვრული ღონისძიებ(ებ)ისათვის, ამ პროგრამით დადგენილი წესის შესაბამისად.

4. „სახელმწიფო შესყიდვების შესახებ“ საქართველოს კანონის 10¹ მუხლის 3¹ პუნქტის საფუძველზე, სახელმწიფოებრივი და საზოგადოებრივი მნიშვნელობის ღონისძიების შეზღუდულ ვადებში შეუფერხებლად ჩატარების მიზნით, მუნიციპალიტეტი უფლებამოსილია, პროექტების განსახორციელებლად სამუშაოების, საქონლისა და მომსახურების სახელმწიფო შესყიდვა განახორციელოს გამარტივებული ელექტრონული ტენდერის მეშვეობით, ამ პროგრამით დადგენილი მოთხოვნების გათვალისწინებითა და საქართველოს კანონმდებლობით დადგენილი წესით.

5. ამ მუხლის მე-3 პუნქტით განსაზღვრულ შემთხვევაში, მუნიციპალიტეტი უფლებამოსილია, გამოიყენოს ამ მუხლის მე-4 პუნქტით განსაზღვრული შესყიდვის საშუალება.

6. მუნიციპალიტეტი უფლებამოსილია, გამოიყენოს ამ მუხლის მე-4 პუნქტით განსაზღვრული შესყიდვის საშუალება იმ შემთხვევაშიც, თუ პროექტის ღირებულება, ამ პროგრამის ფარგლებში, მუნიციპალიტეტისათვის გამოყოფილი თანხების გარდა, დაფინანსდება მუნიციპალიტეტის ბიუჯეტიდან არა უმეტეს 50%-ით.

მუხლი 5. პროგრამის შესრულების კოორდინაცია და მონიტორინგი

1. პროგრამის მიმდინარეობისა და შესრულების საერთო კოორდინაციასა და მონიტორინგს ახორციელებს სამინისტრო.

2. სამინისტრო უფლებამოსილია, საჭიროების მიხედვით, პერიოდულად მოითხოვოს ინფორმაცია მუნიციპალიტეტებიდან პროგრამის შესრულების მიმდინარეობის შესახებ. სამინისტრო ახდენს ინფორმაციის შესწავლას, ანალიზს და შესაბამის ინფორმაციას წარუდგენს საქართველოს მთავრობას ორჯერ - არა უგვიანეს 2016 წლის 20 ივლისისა და 2016 წლის 31 დეკემბრისა.

3. ტექნიკური დავალება

N	საქონლის დასახელება	განზ. ერთეული	რაოდენობა	საქონლის სავარაუდო მახასიათებლები
2	ფოლადის კვადრატული მილი	გრძ/მ	560	40X80 მმ, სისქით არანაკლებ 3 მმ, თითოეულის სიგრძე არანაკლებ 5მ და 90 სმ.
3	ფოლადის კვადრატული მილი	გრძ/მ	78	50X50 მმ, სისქით არანაკლებ 2 მმ, თითოეულის სიგრძე არანაკლებ 5მ და 90 სმ.
4	ფოლადის კვადრატული მილი	გრძ/მ	78	100X100 მმ, სისქით არანაკლებ 3 მმ, თითოეულის სიგრძე არანაკლებ 5მ და 90 სმ.

ფასების ცხრილი

დანართი N2

	დასახელება	განზ. ერთეული	საქონლის ძირითადი მახასიათებლები	წარმოშობის ქვეყანა	მწარმოებელი კომპანია	რაოდენობა	ერთეულის ფასი დღგ-ს გარეშე (ლარი)	ჯამი
N	1	2	3	4	5	6	7	8
2	ფოლადის კვადრატული მილი	გრძ/მ				560		
3	ფოლადის კვადრატული მილი	გრძ/მ				78		
4	ფოლადის კვადრატული მილი	გრძ/მ				78		
	სულ ჯამი							

ხელმოწერა -----ბ.ა.